

063

 <b>JAVNO PREDUZEĆE ELEKTROPRIVREDA BOSNE I HERCEGOVINE TERMOELEKTRANA «TUZLA», TUZLA</b>		
Primljeno dana	12-11-2021	
Org.jedinica	Broj	Prilog
02-4-03-13959/2021		

**ELEKTROPRIVREDA BOSNE I HERCEGOVINE**  
d.d. - Sarajevo

Sarajevo, 10-11-2021  
Broj: 02-35674/21

Na osnovu člana 69. stav (3) Zakona o javnim nabavkama Bosne i Hercegovine („Službeni glasnik BiH” broj 39/14), člana 99. Statuta Javnog preduzeća Elektroprivreda BiH d.d. – Sarajevo (Prečišćeni tekst broj: NO – 2190/21 – 41./2. od 25.01.2021. godine) i člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – (Prečišćeni tekst (broj: 06-14208/20 od 29.05.2020. godine), Izvršni direktor za proizvodnju donosi:

## O D L U K U

### o otkazivanju postupka javne nabavke

#### Član 1.

Otkazuje se otvoreni postupak javne nabavke broj: 2000031829 – „Nabavka kablova i kablovskog pribora“ za potrebe Podružnice Termoelektrana „Tuzla“, Tuzla (broj sa portala nabavki 1405-1-1-113-3-236/21) iz razloga koji su izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke.

#### Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo ([www.elektroprivreda.ba](http://www.elektroprivreda.ba)).

#### Član 3.

Stupanjem na snagu ove Odluke, stavlja se van snage Odluka o izboru najpovoljnijeg ponuđača broj: 02-26757/21 od 24.08.2021. godine.

## O b r a z l o ž e n j e

U postupku javne nabavke broj: 2000031829 - „Nabavka kablova i kablovskog pribora“, za potrebe JP Elektroprivreda BiH d.d. – Sarajevo, Podružnica Termoelektrana „Tuzla“, Tuzla, (broj sa portala javnih nabavki 1405-1-1-113-3-236/21), objavljenom na portalu dana 14.07.2021. godine, ugovorni organ je blagovremeno zaprimio dvije ponude.

Nakon što Komisija za javne nabavke ocijenila obje pristigle ponude prihvatljivim, zakazana je e-aukcija 19.08.2021. godine, nakon čijeg okončanja je primjenom kriterija „najniža cijena“ donesena Odluka o izboru najpovoljnijeg ponuđača broj 02-26757/21 od 24.08.2021. godine.

Prethodno navedenom Odlukom je kao najpovoljniji ponuđač sa cijenom 43.953,02 KM bez PDV-a izabran ponuđač „NEXEN“ d.o.o. Banja Luka, kome je i po proteku žalbenog roka upućen prijedlog ugovora radi zaključivanja.

Izabrani ponuđač je obavijestio ugovorni organ dopisom broj: 298/21 od 25.10.2021. godine da nije u mogućnosti zaključiti ponuđeni ugovor iz razloga što je nakon analize cijena na tržištu utvrđeno da su cijene bakra i pratećeg materijala za proizvodnju kablova znatno porasle u odnosu na trenutak provođenja e-aukcije, sa grafikonom o kretanju cijena na svjetskom tržištu u prilogu.

Imajući u vidu da su se ispunili uslovi iz člana 72. stav (3) tačka f) Zakona o javnim nabavkama koji predstavljaju osnov za dodjelu ugovora drugorangiranom ponuđaču, to je ugovorni organ namjeravao dodijeliti ugovor ponuđaču „TRANZIT ELEKTRO“ d.o.o. Zenica čija je ponuda sa ukupnom cijenom 44.002,01 KM bez PDV-a prema rang - listi odmah nakon ponude najuspješnijeg ponuđača.

Međutim, drugorangirani ponuđač je obavijestio ugovorni organ putem e-maila da usljed značajnih promjena u cijenama robe koja je predmetom nabavke također nije u mogućnosti zaključiti ugovor po istom.

Imajući u vidu da je prethodno izloženo postupanje ponuđača nesporno izvan kontrole ugovornog organa, te da se ni u kom slučaju nastala situacija nije mogla predvidjeti u vrijeme pokretanja postupka, to ugovorni organ shodno članu 69. stav (3) Zakona o javnim nabavkama otkazuje postupak javne nabavke i odlučuje kao u dispozitivu.

**Pravna pouka:**

Protiv ove Odluke može se podnijeti žalba ugovornom organu JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla, u roku od deset (10) dana od dana prijema ove Odluke.

Izvršni direktor za proizvodnju  
  
mr. sci. Samir Selimović



CO:  
- Ponuđačima  
- 63  
- a/a